



NOGOMETNI/FUDBALSKI SAVEZ BOSNE I HERCEGOVINE
НОГОМЕТНИ/ФУДБАЛСКИ САВЕЗ БОСНЕ И ХЕРЦЕГОВИНЕ
BOSNIA AND HERZEGOVINA FOOTBALL FEDERATION

Bulevar Meše Selimovića 95, 71000 Sarajevo, Bosna i Hercegovina
Telefon: +387 33 276 676; Fax: +387 33 444 332
Email: info_nsbih@nsbih.ba; www.nfsbih.ba



Broj: 02-920-3a/22
Sarajevo, 24.03.2022. godine

Na osnovu člana 35. Statuta Nogometnog/Fudbalskog saveza Bosne i Hercegovine, a u skladu sa članovima 106. i 107. Pravilnika o registracijama klubova i igrača i statusu i transferu igrača NS/FS BiH, Izvršni odbor Nogometnog/Fudbalskog saveza Bosne i Hercegovine, na sjednici održanoj 24.03.2022. godine u Sarajevu donosi **s l i j e d e ć u**

ODLUKU
o naknadama za treniranje igrača

Član 1.

Ovom Odlukom utvrđuje se način obračunavanja visine naknada za treniranje igrača na koje klubovi imaju pravo u skladu sa Pravilnikom o registracijama klubova i igrača i statusu i transferu igrača NS/FS BiH.

Član 2.

(1) Naknada za treniranje igrača isplaćuje se za treniranje igrača od 12. (dvanaeste) do navršene 21. (dvadesetprve) godine života igrača, i to prilikom potpisa prvog profesionalnog ugovora do navršene 23. (dvadesettreće) godine.

(2) Ukoliko igrač potpisuje profesionalni ugovor prvi put, naknada se isplaćuje svim prethodnim klubovima, srazmjerno vremenu provedenom u tim klubovima.

(3) Kada igrač potpisuje naredne profesionalne ugovore, naknada za treniranje se isplaćuje samo prethodnom klubu.

(4) Pravo na naknadu za treniranje igrača mogu ostvariti samo klubovi koji su u vrijeme treniranja igrača imali seniorsku ekipu.

Član 3.

Ukoliko igrač prelazi u klub Premijer lige BiH i zaključi prvi profesionalni ugovor, naknada za treniranje igrača za punu godinu provedenu u klubu iznosi:

a) Za igrače od navršene 12. (dvanaeste) do navršene 15. (petnaeste) godine života:

- | | |
|--|-------------|
| 1. ukoliko igrač dolazi iz kluba IV (četvrte) kategorije – | 1.500,00 KM |
| 2. ukoliko igrač dolazi iz kluba III (treće) kategorije – | 2.500,00 KM |
| 3. ukoliko igrač dolazi iz kluba II (druge) kategorije – | 3.000,00 KM |
| 4. ukoliko igrač dolazi iz kluba I (prve) kategorije – | 4.000,00 KM |



b) Za igrače od navršene 15. (petnaeste) do navršene 18. (osamnaeste) godine života:

1. ukoliko igrač dolazi iz kluba IV (četvrte) kategorije –	2.500,00 KM
2. ukoliko igrač dolazi iz kluba III (treće) kategorije –	3.000,00 KM
3. ukoliko igrač dolazi iz kluba II (druge) kategorije –	5.000,00 KM
4. ukoliko igrač dolazi iz kluba I (prve) kategorije –	7.000,00 KM

c) Za igrače od navršene 18. (osamnaeste) do navršene 21. (dvadesetprve) godine života:

1. ukoliko igrač dolazi iz kluba IV (četvrte) kategorije –	4.000,00 KM
2. ukoliko igrač dolazi iz kluba III (treće) kategorije –	5.000,00 KM
3. ukoliko igrač dolazi iz kluba II (druge) kategorije –	7.000,00 KM
4. ukoliko igrač dolazi iz kluba I (prve) kategorije –	15.000,00 KM

Član 4.

Pravo na naknadu imaju klubovi za igrače koji prelaze u klubove I (prve) kategorije (Premijer liga BiH) i klubove II (druge) kategorije (prva liga NS F BiH i Prva liga FS RS).

Član 5.

Naknada se izračunava na godine, mjeseci i dane u periodu od početka kalendarske godine u kojoj je igrač napunio 12 (dvanaest) godina, pa do kraja kalendarske godine u kojoj je igrač napunio 21 (dvadesetjednu) godinu života i to po sljedećem principu:

a) Izračunavanje visine naknade za treniranje igrača na mjesec:

$$N = \frac{\text{Iznos naknade za treniranje igrača za punu godinu}}{12} \times \text{Ukupan broj mjeseci provedenih u klubu}$$

b) Izračunavanje visine naknade za treniranje igrača na dane:

$$N = \frac{\text{Iznos naknade za treniranje igrača za punu godinu}}{12} \times \frac{\text{Broj dana provedenih u klubu u tom mjesecu}}{\text{Broj dana u tom mjesecu}}$$

Član 6.

Zahtjev za naknadu se može podnijeti najkasnije u roku od 2 (dvije) godine od dana potpisanog ugovora.

Član 7.

Ukoliko igrač prelazi u klub prve lige NS F BiH ili prve lige FS RS i s tim klubom zaključi profesionalni ugovor, naknada za treniranje igrača iznosi 80% od iznosa navedenih u članu 3. ove Odluke.

Član 8.

(1) Naknade iz člana 3. ove Odluke povećavaju se za 30% za igrače koji su u posljednje dvije takmičarske sezone nastupili za „A“ reprezentaciju BiH na najmanje dvije utakmice u kvalifikacijama ili završnim takmičenjima svjetskog ili europskog prvenstva.

(2) Naknade iz člana 3. ove Odluke povećavaju se za 15% za igrače koji su u posljednje dvije takmičarske sezone nastupili za ostale reprezentacije BiH u fudbalu na najmanje dvije utakmice u kvalifikacijama ili završnim takmičenjima svjetskog prvenstva i olimpijskih igara.

(3) Pod nastupom igrača iz stava 1. i 2. ovog članka smatraju se igrači koji su počeli utakmicu, kao i igrači koji su ulazili u igru tokom utakmice.

Član 9.

Povećanje naknade u smislu člana 8. ove Odluke može se vršiti samo po jednom osnovu.

Član 10.

Ova Odluka stupa na snagu i primjenjuje se danom donošenja.

Član 11.

Stupanjem na snagu ove Odluke prestaje važiti Odluka Izvršnog odbora o naknadama za treniranje igrača broj: 02-3025-5c/21 od dana 28.08.2021. godine.



PREDSJEDNIK

Vico Zeljković